

## Иисусын Христосын чөлөмпүттэй

1 На чөлөткүн қоң Август мунтык илымпүттэй на тэттөкүн Қумыттыкини онты німайымты нэкырқа Қуралтысыты. 2 На Қумыт німып нэкырпүттэй нэкырса әсы посукый күшан мэрқы Қупқа әппа Квириний Сириякүн. 3 Ныны мунтык Қессөтын нэкырыйқа, истамый онты Қэттөнты. 4 Галилеякүн әсы Қэтты Назарет, на Қэтты нөны Иосиф Қессы Давидты Қэттөнты, кәрынтый Вифлеем, Иосиф әсы Давидты мөтү нөны ай тамтыр нөны әсы. 5 Марияса Қессы, онты німайымты нэкырқа, Мария Иосифка иматқа әнта, тэп Қумылтирийқа әппа. 6 Күщақүн тэпын нымты әсөтын, әсысы чөлө Мариянык Қэттықа. 7 Ныны Онты Посукый Иямты кэтысыты, ныны Тэпым тамтылтысыты, ныны Тэпым чунтый-сырый мөшқүн нюйтөнты тессыты мөтыймыкүн Қопты чаңкымпүсү. 8 На тэттөкүн өтап өттынтыттый Қумын әппөтын, тэпын лыптыкүн онты өтап өттысөтын. 9 Пөпү тэптыттыкини номы ўтымпүпта, номы әсыйысы, ныны коччымы ай сайып Қяттымпүттэй чөлө тэптып Қэттысыты, ныны тэпын орса ныркымөтайсөтын. 10 Ныны тэптыттыкини номы ўтымпүпта кэтысыты: «Үккүш әныңылын, ман төкүнчи орса мэрқый өнталапап кэтантан, мунтык Қумыттыт чөтү өнталпа әнта. 11 Ти тэ чөтү Давидты Қэттөкүн Қумыттыкини пелтүмпүттэй чөлөксы, на әңа Христос Ном. 12 Ныны тамянты теңинчи өнүлтә: Иян, тамтылпүттэй Қонтөлүн чунтый-сырый мөшқүн нюйтөкүн иппынтыттый». 13 Ныны пөпү намый коччый номы ўтымпүптан әсысөтын, Номып сомырсымпүттэй ныны мулымпүттэй: 14 «Сомырсымтыпүпта Номынык ныны тэттөкүн сүмүкөл эңа, Қумыттыт путөкүн төнисымый ўры». 15 Күщақүн номы ўтымпүптан тэпти нөны алпа Қессөтын номты, өтап өттынтыттый Қумын онтыттыкини кэтысөтын: «Вифлеемты Қэломын ныны

маннымпымын, қай нымты әсысы, қай чөты мекин Номы кэтыссыты». 16 Ныны чекаптыла түсөтүн, ныны Мариян ай Иосифин қоссөтүн, ныны Иян, чунтай-сырый мөшкын, нютөкүн иппынтый. 17 Кольсымпымга, на чөты мулалтысөтүн, қаип тэпылпикини на Ият чөты мулалтысөтүн. 18 Ныны муңтык ўңкылпыйтый Қумын намып, ақлыметаисөтүн, қаип өтап өттүнтытый Қумын мулалтысөтүн. 19 Мария муңтык этып мэрыссыты, Онты сичиқынты мөштүрүң писсыты. 20 Ныны өтап өттүнтытый Қумын қөттә түсөтүн, Номып сомырсымпымысөтүн ныны маннымпымысөтүн, куттар тэптигүйткени кэтымпымысөтүн.